

PERNANDO AMEZKETARRAI

JUAN JOSE SARASOLAK JARRIAK

1

Nere jakinduriya
agertzera nua,
eskasegiya dala
daukat damua,
aurrekuen sustraitik
artu det planua,
Pernando Amezketarra
zanaren doñua,
ill zan gizon ua
pasa da urte mua
iltz dun umanua
koplari sanua,
euzkeraren aldeko
gipuzkoanua.

2

Milla ta bederatzireunda
ogeita laugarren,
Uztaren amairua
ondo zetorren.
Zentenariyo pestak
luze izan arren
aurten bukatzen dira
urte bete barren,
euskaldunak emen
beida nola gauden,
zer edo zer aitormen
eman biar nuen,
lengo oitura dana
galdu baño len.

3

Artzairik abillena
Amezketakua,
estadu geyenetan
neurtutakua,
beste bat bizi balitz
orain alakua,
guk degu motibua
lagundutzekua,
aren maneja
ez nola naikua,
naiz boza bajua
bazuen tajua,
nun nai ez ta billatzen
orrelakua.

4

Txiste aundiyak ditu
Pernando guriak,
erakutsi zituen
abillidadiak,
inguratu zitzaizkan
itz larri trebiak,
abogaduak eta
prokuradoriak,
prueba dotoriak,
daude ateriak,
eskola gabiak
arrazoi obiak,
nun naitik bazituen
adiskidiak.

5

Juez batek etzuen
bildurtzen izketan,
seguru zegolako
bere ustetan,
amar seme-alaba
azirik gartzetan,
aita abillagorik
etzan Amezketan,
periyan askotan,
noizik bein festetan,
etxian espetan
andria kesketan,
zein ez gera erortzen
orrenbestetan?

6

Etxian paketsua
izanagatikan,
estimaziyo asko
tabernatikan,
plazan ere itxuraz
bertsuetatikan,
gusto eman da joan zan
mundu onetatikan,
erri batetikan
Amezketatikan
ta Azkotatikan
kanpuetatikan,
arren bentajak dira
aspalditikan.

7

Abogadu abill bat
bazan Alegriyan,
ustez artakuena
Euskal-erriyan,
beste jakintsu batek
bere errabiyen,
Pernando bialdua
zuen esariyan,
bere istoriyan
sayatu zeriyan,
triste irudiyan
ala zirudiyan,
galdiak egin zizkan
inbusteriyan.

8

Pernandok artzekuak
zeuzkala esan ziyon,
ta zorrak eske nola
ari zaizkiyon,
besterenak aguro
barkatu zizkiyon,
bañan ontza bat urre
beria jo ziyon,
an eman baziyon
ondo zerizkiyon
artzayak sor ziyon
bakarra zor ziyon
ortzak erakutsita
alde egin ziyon.

9

Abogaduak pena
debalde utziya,
berak besterengatik
erakutsiya,
aguro bukatuta
orduko ausentziya,
arrazoya galtzia
zan penitentziya,
oyen potentziya
talentuz jantziya,
itzezko trantziya
ta abertentziya,
pobriak garbiyena
kontzientziya.



**Bertso hauek 1932an argitaratu
ziran BERTSOLARIYA aldizkarian**